

UVOD

Pod pojmom „prekršajno pravo“ podrazumjeva se posebna naučna disciplina ili grana prava. Kao posebna naučna disciplina, prekršajno pravo izučava sa teoriskog stanovišta norme važećeg, odnosno pozitivnog prekršajnog prava. S druge strane prekršajno pravo predstavlja i posebnu pravnu granu, tj. granu prava koju čine skup važećih pravnih normi koja propisuju određena nedopuštena ponašanja kao prekršaje i za njih predviđaju odgovarajuću sankciju.

U okviru pozitivnog pravnog sistema Republike Srpske prekršajno pravo spada u pravnu oblast javnog (državnog) i to kaznenog prava (uz krivično pravo).

Predmet prekršajnog prava je prekršajni **postupak**. *Prekršajni postupak* je zakonom definisani postupak koji se vodi nakon izvršenog prekršaja, u kojem procesni subjekti preduzimaju određene radnje radi donošenja pravilne i zakonite odluke od strane suda po određenoj prekršajnoj stvari. U prekršajnom postupku, sud utvrđuje da li je učinjen prekršaj, postojanje eventualne odgovornosti učinioca i koju sankciju će izreći učiniocu prekršaja.

Prekršajno pravo ima za datak da zaštiti društvo od nedopuštenih djela, odnosno ponašanja koja se nazivaju prekršajima. Država u svakom slučaju nastoji pružiti prekršajnopravnu zaštitu pojedinim zaštićenim dobrima (život, tijelo, imovina, čast čovjeka ...) i interesima građana.¹

Prekršaji i prekršajne sankcije se mogu propisati zakonom, uredbom ili odlukom Vlade, odlukom Skupštine Grada, odnosno Skupštine opštine.

Prilikom same izrade zakona o prekršajima vodila se polemika oko pristupa izrade zakona, pa je preovladalo mišljenje, a što je i regulisano članom 8., a odnosi se na supsidjarnu primjenu nekih odredaba i poglavlja Krivičnog zakona RS i Zakona o krivičnom postupku RS.²

Član 8.

Primjena odredaba Krivičnog zakona i Zakona o krivičnom postupku

(1) *Ukoliko nije drugačije propisano odredbama ovog zakona, sljedeće odredbe Krivičnog zakona će se mutatis mutandis primjenjivati za prekršaje: članovi 11 i 12 koji nose naziv “Nužna odbrana” i “Krajnja nužda”; član 14 pod nazivom “Uračunljivost”; član 15 pod nazivom “Umišljaj”; član 16 pod nazivom “Nehat”; član 18 pod nazivom “Stvarna zabluda”; član 19 pod nazivom “Pravna zabluda”; članovi 23, 24 i 25 pod nazivom “Saučesnici” i Poglavlje XIV pod nazivom “Odgovornost pravnih lica”.*

(2) *Ukoliko nije drugačije propisano odredbama ovog zakona, sljedeće odredbe Zakona o krivičnom postupku Republike Srpske (u daljem tekstu: Zakon o krivičnom postupku) će se također mutatis mutandis primjenjivati u prekršajnom postupku: Poglavlje I pod nazivom “Osnovna načela”; Poglavlje IV Odjeljak 3 pod nazivom “Razdvajanje i spajanje postupaka”; Poglavlje V pod nazivom “Izuzeci”; Poglavlje VII pod nazivom “Branilac”; Poglavlje VIII pod nazivom “Podnesci i zapisnici” Poglavlje IV pod nazivom “Rokovi”; Poglavlje XIII pod nazivom “Troškovi Krivičnog postupka”; Poglavlje XIV pod nazivom*

¹Mitrić Lj.: *PREKRŠAJNO PRAVO*, Banja Luka, Mađunarodno udruženje naučnih radnika – AIS, 2011.godine; (str. 21-23)

²Ševa D.: *KOMENTAR ZAKONA O PREKRŠAJIMA*, Banja Luka, 2008.godine; (str. 26-28.)

³Član 8. - *ZAKON O PREKRŠAJIMA REPUBLIKE SRPSKE* („Službeni glasnik RS“, broj 34/2006; 1/2009; 29/2010 i 109/2011)

“Imovinsko pravni zahtjevi”; Poglavlje XV Odjeljak 1 pod nazivom “Pretres stana i drugih prostorija i lica”; Poglavlje XV Odjeljak 2 pod nazivom “Oduzimanje predmeta i stvari”; Poglavlje XV Odjeljak 4 pod nazivom “Ispitivanje osumnjičenog”; Poglavlje XV Odjeljak 5 pod nazivom “Ispitivanje svjedoka”; Poglavlje XV Odjeljak 6 pod nazivom “Uvidjaj na licu mjesta i rekonstrukcija događaja”; Poglavlje XV Odjeljak 7 pod nazivom “Vještačenje”; Poglavlje XXI pod nazivom “Glavni pretres”, Poglavlje XXIII Odjeljak 1 pod nazivom “Žalba na prvostepenu presudu”; Poglavlje XXVI pod nazivom “Postupak prema maloljetnicima.” i Poglavlje XXIX pod nazivom “Postupak za primjenu mjera bezbjednosti, za oduzimanje imovinske koristi pribavljene krivičnim djelom i za opozivanje uslovne osude”.

(3) U slučaju bilo kakvih nesaglasnosti između navedenih odredbi Krivičnog zakona i Zakona o krivičnom postupku i ovog zakona, primjenjivaće se odredbe ovog zakona. Upućivanje na odredbe Zakona o krivičnom postupku koje se odnosi na tužioca će se na odgovarajući način primjenjivati na svaki ovlašteni organ.